



Sud Bosne i Hercegovine
Суд Босне и Херцеговине

Broj: S1 3 Iž 039121 20 Iž
Sarajevo, 14.12.2020. godine

Sud Bosne i Hercegovine, u drugostepenom vijeću sastavljenom od sudija Zvezdane Antonović, kao predsjednika vijeća, Dr Branka Moraita i Mirsade Džindo, kao članova vijeća, odlučujući o žalbi političkog subjekta "Glas naroda" iz Živinica, ul. 25. Novembra 109, zastupana po predsjedniku Amri Mrkić, koja osporava Odluku Centralne izborne komisije BiH o odbijanju zahtjeva za ponovno brojanje glasačkih listića u osnovnoj izornoj jedinici Živinice, broj 05-1-07-5-1353/20 od 07.12.2020. godine, u nejavnoj sjednici, održanoj dana 14.12.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine, broj i datum u uvodu, odbijen je kao neosnovan zahtjev političkog subjekta „Glas naroda“ za ponovno brojanje glasačkih listića na 20 biračkih mjesta u osnovnoj izornoj jedinici Živinice.

Protiv ove odluke žalitelj je izjavio žalbu zbog povrede zakona i pravila izbornog procesa, nepotpuno i nepravilno utvrđenog činjeničnog stanja i pogrešne primjene materijalnog prava. Žalbom ukazuje da je njihov zahtjev od strane CIK BiH nepravilno odbijen, jer da im je nanesena pravna šteta sa nesagledivim posljedicama uskraćivanja rada njihovih predstavnika u GV Grada Živinice.

U odgovoru na žalbu, Centralna izborna komisija Bosne i Hercegovine predložila je da Sud predmetnu žalbu odbije kao neosnovanu.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da **žalba nije osnovana**.

Centralna izborna komisija Bosne i Hercegovine, je u konkretnom slučaju, ispitala sve navode zbog podnesenog zahtjeva za ponovno brojanje i pravilno utvrdila da nisu nađene nepravilnosti koje mogu uticati na rezultate glasanja u osnovnoj izornoj jedinici Živinice, koji se odnose na plasman kandidata podnosioca

žalbe. Kako nalazi i ovo vijeće Suda Bosne i Hercegovine, CIK BiH je pravilno utvrdila činjenično stanje i donijela pravilan zaključak o tome da u zahtjevu za ponovno brojanje, koji je pravilno odbila, jer nisu navedeni opravdani razlozi za ponovno brojanje glasačkih listića u predmetnom slučaju. Argument podnosioca žalbe da im za drugi mandat nedostaje 17 glasova, na kojem žalilac temelji svoju žalbu, pravilno je, i po shvatanju ovog sudskog vijeća ocijenjen kao neosnovan argument odnosno proizvoljno i subjektivno mišljenje podnosioca žalbe kojem nedostaje navedeni broj glasova da bi ostvario povoljniji izborni rezultat. Ocijena je i ovog vijeća da se žalba temelji na pretpostavkama i uopštenim tvrdnjama koje nisu potkrijepljene relevantnim dokazima, da bi se moglo zaključiti da je predmetna žalba osnovana.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81 stav 1 Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

PREDSJEDNIK VIJEĆA
S U D I J A
Zvezdana Antonović